

Bayibuli y'abaana abato
Ekwanjulira

Pasika
Eyasooka



Yawandiikiddwa: Edward Hughes

Ebifaananyi bya: Janie Forest
Alastair Paterson

Yakozesebwa: Lyn Doerksen

Yavvuunulwa:
Rev. Fr. Dr. Francis Xavier Mbaziira


Yafulumizibwa: Bible for Children
www.M1914.org

©2020 Bible for Children, Inc.

Olukusa: Okkirizibwa okukoppa oba okufulumya bino,
Ebinyumizibwa kasita bitaba bya kutunda.



Omukyala yayimirira ku kasozi okuli
abaleekaana, n'atunula
nga munakuwavu ku
kyaliwo eky'entiisa.
Omwana we yali
afa. Omuzadde
oyo yali Mariya.
Yali ayimiridde
kumpi n'ekifo we
baakomerera
Yesu ku
musaalaba.





Ebyo byonna byajja
bitya? Yesu yasobola atya
okumaliriza obulamu bwe
obulungi bwe butyo mu
ngeri ey'entiisa
okwenkana
awo? Katonda
yayinza atya
okukkiriza Omwana
we okukomererwa ku
musaalaba okugufiirako?
Yesu ye yakola ensobi
n'ateemanya bw'ali?
Katonda ye
yalemererwa?





Nedda, Katonda
teyalemererwa, ne Yesu
teyakola nsobi n'emu.
Yesu bulijjo yamanya nti
yali wa kuttibwa abantu
ababi. Yesu ne bwe yali
nga mwana muto
omusajja omukadde
erinnya lye Simewooni
yabuulira Mariya nti
okunakuwala
kumulindiridde.




Ennaku ntono nga
Yesu anaatera okuttibwa,
omukazi omu yajja n'ayiwa
ku bigere bya Yesu
omuzigo oguwunya
akawoowo. Abayigirizwa
ne beemulugunya nti "Omukazi
ayonoona ssente." Yesu n'agamba
nti: "Ky'akoze kirungi. Akikoze lwa
kunziika" Ebigambo ebyo byali byewuunyisa!



Ebyo bwe byaggwa, Yuda,
omu ku bayigirizwa ba Yesu
ekkumi n'ababiri, n'akkiriza
okulyamu Yesu olukwe,
amuweeyo mu bakabona
abakulu, bamuweemu
ebitundu bya ffeeza
amakumi asatu.






Ku mbaga y'Abayudaaya ejjuukirirwako Okuyitako Yesu yalya ekijjulo kye ekyasembayo ng'ali wamu n'abayigirizwa be. Yababuulira ebintu ebyewunyisa ku Katonda ne ku ebyo by'asuubiza abamwagala. Awo Yesu n'abawa omugaati n'ekikompe babigabane.

Bino byali bya kubajjukiza nti Yesu yawaayo omubiri gwe n'omusaayi gwe okusonyiyisa abantu ebibi.



Olwo Yesu n'abuulira mikwano gye nti ajja kuliibwamu olukwe, era nti bo bajja kumuddukako. Petero n'alumiriza nti: "Nze sijja kukuddukako." Yesu n'agamba nti: "Enkoko eneeba tenakookolima, onooba onneeganye emirundi esatu."





Oluvannyumako mu kiro
ekyo, Yesu n'agenda mu
nnimiro y'e Getesemane
okwegayirira Katonda.
Abayigirizwa be baali
naye ne beebaka otulo.
Yesu ne yeegayirira
Katonda nti "Ayi Kitange,
nzigyako ekikompe kino
eky'okuboonaboona.
Naye, si nga nze bwe
njagala, wabula nga
Ggwe bw'oyagala".



Amangwago ogubinja gw'abantu
ne guyingira mu nnimiro, nga
gukulembeddwa Yuda. Yesu,
naye Petero n'asalako
omusajja omu okutu.
Mu kasirise, Yesu
n'akwata okutu
kw'omusajja oyo
n'akuwonya.
Yesu yamanya
nti okukwatibwa
kwe kwali mu
ebyo Katonda
by'ayagala.



Ogubinja gw'abantu ne gutwala Yesu mu nnyumba y'omukulu wa bakabona. Eyo abakulembeze b'Abayudaaya ne bagamba nti: "Yesu afe." Okumpi awo, Peetero n'ayimirira ku kyoto ky'abawereza alabe ebinabaawo.




Emirundi esatu abantu baatunuulira Peetero,
ne bagamba nti: "Naawe wali ne Yesu."


Emirundi egyo esatu
Peetero ne yeegaana,
nga Yesu bwe yali
agambye. Peetero
yateekako okulayira
n'okukolima.



KOOKOLILYOKOO

Amangwago enkoko
n'ekokoolima. Lyali
ng'eddoboozi lya
Katonda Peetero lye
yawulira. Peetero bwe
yajjukira ebigambo bya
Yesu, Peetero oyo
n'akaaba nnyo.





Ne Yuda yeenenya. Yamanya nga
Yesu teyalina kibi kye yakola
wadde omusango gwe yazza.
Yuda n'azzaayo ebitundu
bya ffeeza amakumi
asatu, naye bakabona ne
bagaana okubikkiriza.





Yuda ensimbi ezo
n'azisuulawo, n'agenda
yeetuga.






Bakabona ne batwala Yesu eri Pilaato, omufuzi Omurooma. Pilaato n'agamba nti: "Sizudde musango mu muntu ono." Naye ogubina gw'abantu ne guleekaana nti: "Mukomerere ku musaalaba, mukomerere

ku musaalaba."




Kyaddaaki Pilaato n'akkiriza
n'asarira Yesu ogw'okukomererwa ku
musaalaba. Abaserikale ne bakuba
Yesu, ne bamufujjira amalusu mu
maaso, ne bamukuba n'embooko eriko
amalobo agasuna. Mu bukambwe,
ne bamukolera engule ey'amaggwa
amasongovu, ne bagimukomerera
ku mutwe. Ne
bamukomerera
ku musaalaba
ogw'omuti
afe.



Yesu yamanya bulijjo ng'ajja kufa mu ngeri
eyo. Era yamanya ng'okufa kwe kujja kuleetera
ekisonyiwo aboonoonyi abamwesiga.

Abazzi b'emisango babiri nabo
baakomererwa ku misaalaba
emabbali wa Yesu. Omu
n'akkiriza Yesu-era
n'agenda mu kifo
oky'okwesiima.
Omulala
teyamukkiriza.



Nga wayiseewo essaawa nga
ziizo, Yesu ze yamala mu
bulumi, n'agamba nti:
"Kiweede". N'afa.
Omulimu gwe yali
agumalirizza.

Mikwano gye
ne bamuziika mu
kifo ekitali kya
lukale.



Awo abaserikale Abarooma,
entaana ne bagissaako
akabonero era ne
bagikuuma. Olwo
nga tewali ayinza
kuyingirayo oba
okuvaayo.



Singa eyo ye yali enkomerero
ya Yesu, nga kyandibadde
kya nnaku! Naye Katonda
yakola ekyewuunyisa.
Yesu teyasigala
nga mufu.




Ku makya ennyo ku lunaku olusooka
mu wiiki, abamu ku bayigirizwa
ba Yesu baasanga ejjinja
liyiringisiddwa okuva
ku ntaana. Bwe
baagitunulamu,
Yesu yali
takyalimu.



Omukazi omu yasigalawo
ng'akaabira kumpi n'entaana.
Yesu n'amulabikira! Omukazi
oyo n'addayo mangu n'essanyu
okubuulira abayigirizwa
abalala nti: "YESU MULAMU!
YESU AVUDDEYO MU
BAFU!"





Yesu teyalwa, n'ajja eri abayigirizwa be,
n'abalaga enkovu z'enninga z'emisumaali gye
bamukomerera. Kyali kituufu. Yesu yali
azzeewo nga mulamu. N'asonyiwa Peetero
okumwegaana, era n'agamba abayigirizwa
be okubuulira bonna nti mulamu olwo
n'alyoka addayo mu Ggulu gye yava ku
lw'Amazaalibwa ge olwasooka.



Pasika Eyasooka

Ekinyumizibwa okuva mu kigambo kya
Katonda, Bayibuli

Bisangibwa mu

Matayo 26-28, Lukka 22-24,
Yowanne 13-21

"Ekigambo kyo we kiyingira. Kireetawo
ekitangaala." Zabbuli 119:130



Enkomerero



Kino ekinyumizibwa mu Bayibuli kitubuulira ku Katonda waffe eyeewuunyisa era ayagala tumumanye.

Katonda amanyi nga twakola ebintu ebibi, by'ayita ekibi. Ekibonerezo ky'ekibi kufa. Naye Katonda akwagala nnyo, kyeyava atuma Omwana we, Yesu, okufiira ku musaalaba, abonerebezebwe olw'ebibi byo. Olwo Yesu n'akomawo mu bulamu, era n'addayo ewuwe mu Ggulu. Bw'okkiriza Yesu, n'omusaba akusonyiwe ebibi byo, ajja kubikola. Ajja kujja abeere mu ggwe, era naawe obeerenga naye olubeerera.

Bw'okkiriza nti kino kyamazima, gamba Katonda nti: "Yesu Omwagalwa, nzikiriza ng'oli Katonda, era nga wafuuka omuntu, olyoke ofe olw'ebibi byange, era kaakano waddawo okuba omulamu. Nkusaba ojje mu bulamu bwange, onsonyiwe ebibi byange, nsobole okuba n'obulamu obuggya, era lukye lumu, mbeerenga naawe olubeerera. Nnyamba okuba omuwulize gy'oli, n'okuba omulamu ku lulwo nga omwana wo. Amiina.

Somanga Bayibuli onyummyenga ne Katonda buli lunaku.
Yowanne 3:16

